

სახალხო განათლება+

„უფალო, მოგვადლე მე ნიჭი იმგვარად თქმისა, რომ არავის ჩემს მსმენელს, ხოლო მას გულმსახური, რომ უძეად არ დაუშვას მნა ჩემი“

№ 1 (4498) • 1 ოქტომბერი • 2014 წელი • გაზეთი გამოდის ოთხშაბათობით • ფასი 80 თეთრი •

ბედნიერი იყოს 2014-2015 სასწავლო წელი!

5 ოქტომბერი მასწავლებლის დღეა – გილოცავთ!

სკოლაში ახალი დირექტორი მოვიდა

იმედი და ხალისი შემოიღვნა



ახალი ხელმძღვანელის მოსვლას ორმაგი განცდა ახლავს. პედაგოგთა ემოციები იმედიანიც არის და დაეჭვებულიც, „ვაი, თუ!“ დირექტორის ფიქრები კი – ილიასულია: „როგორ შევეყრები მე ჩემს სკოლას... შევძლებ კი...“

თბილისის 159-ე საჯარო სკოლაში ეს პრობლემა მოხსნილია, რადგანაც ადრე აქ ნამოღვანარი პედაგოგი გამოაგზავნეს ხელმძღვანელად.

თამილა გვარამაძე სამტრედიის მე-14 საჯარო სკოლისა და თბილისის დედაუნივერსიტეტის აღზრდილი შესანიშნავი ფილოლოგია. მისი პედაგოგიური დებიუტი ამ სკოლაში შედგა.

შაბათს მსოფლიო ეკოლოგიისა და დასუფთავების დღის აღსანიშნავი აქცია ტარდებოდა. ახალი დირექტორი პედაგოგებთან და მოსწავლეებთან ერთად ცოცხით ხელში ტრი-ალეზდა. ეს იმ აქციას არ ჰგავდა, რომელზეც იტყვიან ხოლმე, ახალი ცოცხი კარგად გვი-სო.

ენერგიული დასაწყისი ნახევარ გამარჯვებას უდრისო. ახალბედა დირექტორს ინფრასტრუქტურის მონეტრირებაში მოუწევს დიდი ძალისხმევა, თორემ, როგორც იტყვიან, პედაგოგიური კადრების კუთხით თავი ქულში აქვს. ერთგულად უდგანან მას მხარში გამოცდილი მოადგილე **ლია ძნელაძე**, სამეურვეო საბჭოს თავმჯდომარე **თამარ ჯიბლაშვილი**, ძლიერი პედაგოგები. გამორჩეულთა გამორჩევა გამიჭირდება. თუ დავიწყებ, მაშინ ყველას სია უნდა ჩამოვწერო.

სკოლაში ბევრი სიახლე იწერება და ფრთებს ისხამს. სწავლებაში შემოვიდა ახალი სპეციალური საგანი, რომლის დანიშნულებაა მოსწავლეთა ყოველმხრივი განვითარება და პროფორიენტაცია. ამ საგანს გაუძღვება მეტად მონდომებული, საქმის მცოდნე სპეციალისტი, დედაუნივერსიტეტის აღზრდილი ქეთევან გრიგალაშვილი. მასზე დიდ იმედებს ამყარებს დირექტორი. წელს ოთხი პირველი კლასი მიიღეს.

ყველას სჯერა, ახალი დირექტორი პედაგოგებთან შეხმატკბილებული მუშაობით დიდ წარმატებებს მიაღწევს და სახელს მოიხვეჭს.

„აჰა, დიდების და სახელთქების ასპარეზია თქვენთვის დაცლილი“, 159-ე საჯარო სკოლელებო!

პორის ხარაპაპა

„მასხოფს ანირუფთად სასწავლოწელში“...

პირველ კლას კლას

დედა ენა, – სიბრძნის წიგნი ბევრ სიკეთეს გპირდება. მას ყოველთვის დედასავით მოფერება სჭირდება. შესწევს ძალა წავიკიდოს სიყვარულის აღმური და წვეთ-წვეთად ჩაგაწვეთოს სიტკბო შენი მამულის. დედაენა – შვების წყარო წარსულს ახლით ამთელებს ამ განძს თუ არ გაუფრთხილდი, ისე ვერ იქართველებ.

თარიელ მუმლაძე



პირველი მასწავლებელი, პირველი სიხარული, პირველი გაკვეთილი... აი, პირველ-კლასელთა ემოციების საფუძველი.

წელს ხუთი I კლასი მივიღეთ, – სიამოვნებით გვიპასუხა თბილისის 142-ე საჯარო სკოლის დირექტორმა **შორენა ცნობილაძე**. ამათგან, რომელიმე კლასში გაკვეთილის ფირზე აღბეჭდვა რომ ვთხოვეთ, დიდხანს იფიქრა. არჩევანი I კლასზე შეჩერდა, რომლის აღმზრდელი და დამრიგებელია ლევანდოსილი პედაგოგი **ციალა გელაშვილი**. იგი ამ სკოლაში 35 წელია დედაენის, მამულის და მოყვასის სიყვარულით ზრდის საქართველოს ხვალის-დედ დღეს.

ციალა მასწავლებელი ამ პაწიბთან პირველ გაკვეთილზე სიხარულის ემოციებით ისე იყო შეპყრობილი, როგორც 35 წლის წინათ, ხოლო ექვსი წლის ცეროდენები პირველ მასწავლებელს გაცისკროვნებული თვალებით შესციცინებდნენ.

ჯემალ კასრაძის ფოტო

სარკაქსიო განაცხადი

ჩვენ ისე მთუდით

მასწავლებლების დამკვლიანებელმა, იაკობ გოგებაშვილის პედაგოგიურ იდეებზე დაფუძნებულმა გაზეთმა „სახალხო განათლება“ თავისი 85 წლის იუბილე ვერ აღნიშნა. ფინანსური სიდუხჭირის გამო იგი გაჩერებული იყო.

გასული საუკუნის მიწურულს განათლების სამინისტროს ეგიდით, „განათლების“ სახელწოდებით გამოშვებული ეს გაზეთი უპატრონოდ დარჩა: გაუგებარი მიზეზით სამინისტრომ ნაუცბათეად ტენდერი გამოაცხადა, გამოგვეყო და საკუთარი გაზეთი დააარსა. „მაგრამ ღმერთი არ გასწირავს კაცსა, შენგნით განაწირსა“.

მაშინდელი პარლამენტის განათლებისა და მეცნიერების კომიტეტის თავმჯდომარის **რომან მიმინოშვილის**, ასევე მისი მოადგილის, **დიდი ქართველი პედაგოგის ლევან ჩიქვანიას** ძალისხმევით, მაინც ფინანსური შეჭირვების პირობებში, ერთუზიანობის ხარჯზე გამოსვლა არ შეგვიწყვეტია, რადგანაც ჩვენს მასწავლებლობას ჰაერივით სჭირდებოდა „სახალხო განათლება“. არც, ამ საუკუნეში შენელებულა გაზეთის ფინანსური „მოხრჩობის“ მცდელობა. ერთმა პრეზიდენტმა, რომელიც იძახდა, ქართულ გაზეთებს საერთოდ არ ვკითხულობო, გამომცემლობა „სამშობლო“ დაარბია, ბუდე მოგვიშალა და სხვა რედაქციებთან ერთად კინისკრით გამოგვყარა. მას მიბაძა ძალოვნებთან მოსულმა ერთმა მინისტრმა, რომელმაც ლამის პოლიციურ რეჟიმში გადაიყვანა განათლების სისტემა, ჟურნალისტებს სკოლებში შესვლა, ხოლო დირექტორებს ჩვენთან ურთიერთობა აუკრძალა.

ახალი მთავრობის მოსვლის შემდეგ ვითარება თანდათან სწორდება, მაგრამ ჯერ კიდევ განათლების მუშაკთა დიდი არმია ვერ გრძნობს **პედაგოგიური პრესის არსებობას**. ერთი გამოშვებული კინკლა პედაგოგიური გაზეთი სრულყოფილად ვერ შეძლებს განათლების სისტემაში მიმდინარე პროცესების გაშუქებას.

საბედნიეროდ, განათლების სამინისტრო ორი წელია თავგამოდებით ცდილობს სისტემაში დაგროვილი პრობლემების მოგვარებას. ბევრი რამ უკვე გაკეთდა, მაგრამ, გარდა საპატრიარქოს ტელეარხ „ერთსულოვნებისა“ და გაზეთ „საქართველოს რესპუბლიკისა“ პოზიტიურს პრესა და ტელევიზია იშვიათად ასახავს, უფრო ნეგატიური პასაჟებით არიან დაკავებული.

ასე რომ, **სამინისტროს მხარდამჭერი პრესა უთუოდ სჭირდება**. ჩვენ მზად ვართ პირუთვნელად, ცოცხლად ავსახოთ ეს პროცესები, ჩვენდა გასახარად, განათლების სამინისტრომ ჩვენკენ მოიხედა, გამოთქვა ჩვენთან თანამშრომლობის და მხარში ამოდგომის სურვილი, რაც დიდ იმედებს გვისახავს, **ვთხოვთ მათ, შეძლებისდაგვარად, რაღაც ფორმით ფინანსურადაც შეგვეხველოს**.

მასწავლებლებო, განათლების დარგის მესვეურებო, იყავით აქტიური მკითხველები, გამოიწერეთ ჩვენი გაზეთი, თქვენი თანამშრომლობით უფრო საინტერესო გახადეთ იგი!

ჩვენ კვლავაც ვიქნებით თქვენი უღალატო მეგობარი და მეგობარი.

გაზეთი „სახალხო განათლება“-ის რედაქცია

სიახლეთა საშოგავლო კონგრესი

ახალი სასწავლო წლისთვის ბევრი მაღალ შედეგებზე გათვლილი სიახლე შემოგვთავაზა განათლებისა და მეცნიერების სამინისტრომ. მათ შორის, ერთ-ერთი ყველაზე მნიშვნელოვანია საჯარო სკოლების უფრო კვალიფიციური, სერთიფიცირებული და კონკურსგავლილი დირექტორებით დაკომპლექტება. ასევე: ახალი შემეცნებით-აღმზრდელით, საპროფორიენტაციო სპეცსაგნის შემოღება, კლასის ხელმძღვანელის საქმიანობის გამრავალფეროვნება, მეორე უცხოური ენის სწავლების მეშვიდე კლასიდან მეხუთეში გადმოტანა და სხვა. ყველაფერი ეს სწავლა-აღზრდის ეფექტიანობის ზრდას, განათლების ხარისხის ამაღლებას უთუოდ შეუწყობს ხელს. გასული წლის ყველაზე თვალსაჩინო გასახარებელი სიახლე-მოვლენა იყო ახალი მთავრობის ზრუნვა მოსწავლე ახალგაზრდობაზე, მათი უფასო სახელმძღვანელოებით უზრუნველყოფა, რაც ამ ახალ სასწავლო წელსაც უფრო დახვეწილი ფორმით განხორციელდა. ასევე, წინა წლებში პედაგოგებს საგრძნობლად მოემატათ ხელფასი. ახლო მომავალში დაგეგმილია მისი ეტაპობრივი ზრდა. ახალი სასწავლო წლის ამ ჩინებულ სტარტზე გვესაუბრებიან თბილისის საჯარო სკოლის დირექტორები:



ნანა სოლოვაშვილი (89-ე საჯარო სკოლა)

პარბა ხანია დიდი წარმატებით უძღვება სასწავლო-აღმზრდელით პროცესს ამ სკოლაში. გარდა ამისა, თბილისის 117-ე სკოლისა და დედაუნივერსიტეტის აღზრდილი პედაგოგი ისტორიის მეცნიერებათა დოქტორია. წლების მანძილზე კითხულობდა ლექციებს დედაუნივერსიტეტში, ამჟამად, საქართველოს უნივერსიტეტის სრული პროფესორია. ას პილოტირებულთა შორისაა ეს სკოლა, სადაც სამედიცინო ოთახი გაიხსნა.

– სკოლის ინფრასტრუქტურა მონესრიგებული შეხვდა ახალ სასწავლო წელს. ოთხი პირველი კლასი გავსენით. მხარში დაუზარებლად მიდგანან შრომისმოყვარე, გამოცდილი პედაგოგები, ენერგიული შემოქმედი მოადგილე **ლალი ტოკლიკიშვილი**, სამეურვეო საბჭოს თავმჯდომარე **მანანა წითაძე**. მანდატურები დღითიდღე სრულყოფენ მუშაობის ფორმებსა და მეთოდებს. ავტორიტეტით სარგებლობენ: **თამარ ხუციშვილი**, **ნოდარ ტოხვაძე**, **თინათინ დიაკონიძე**. ისინი ძალიან გვეხმარებიან სასწავლო-აღმზრდელით პროცესის ეფექტიანად წარმართვაში. უდიდესი სახელმწიფოებრივი მნიშვნელობის მოვლენა იყო მთავრობის, განათლების სამინისტროს ძალისხმევა – მოსწავლეთათვის სახელმძღვანელოების, კომპიუტერებისა და სხვა სასწავლო ნივთების უფასოდ გადაცემა, რაც შარშან და წელს წარმატებით განხორციელდა. ასიათასობით მოსწავლე და მათი მშობლები ამით გახარებული და მადლიერნი დარჩნენ. ყველა პირველკლასელს და მათ მასწავლებელს საჩუქრად გადაეცათ კომპიუტერები, რვეულები და სხვა ნივთები. საუკეთესო, კეთილმონყობილი სამედიცინო ოთახი გაიხსნა, სადაც ენთუზიაზმით მუშაობს გამოცდილი ექიმი **ნანული ტეტუნაშვილი**. წელს მე-5 კლასიდან შეეუდევით მეორე უცხოური ენის –

რუსულის სწავლებას. სკოლა კათედრული სისტემით მუშაობს. გახსნილი გვაქვს სხვადასხვა სახის შემეცნებითი თუ მხატვრული წრეები. შარშან 21 ახალგაზრდამ დაამთავრა 12 კლასი. დღეს ყველა სტუდენტია. გვყავს სერთიფიცირებული 14 პედაგოგი. მხარს ვუჭერ პარლამენტის განათლებისა და მეცნიერების კომიტეტის ინიციატივას სერთიფიცირების, როგორც მასწავლებლის პროფესიული დაოსტატების არსებული წესის უფრო მოქნილი ფორმით შეცვლის შესახებ. განათლების სამინისტროს მუშაობა ამ კუთხით მიმართული იქნება პედაგოგთა კეთილდღეობისკენ.



ნანა ჯუღელი (149-ე საჯარო სკოლა)

საგანმანათლებლო სივრცეში ღვაწლმოსილი, დამსახურებული პედაგოგია. მისი მონაწილეობით ბევრი რეფორმატორული პროექტი განხორციელდა. დღეს იყო მე-12 საჯარო სკოლის დირექტორი. კონკურსში გაიმარჯვა და ახლა მთელ თავის მდიდარ გამოცდილებას 149-ე სკოლას ახმარს. სკოლა მაღალ შედეგებზეა ორიენტირებული.

ახალ სასწავლო წელს მომზადებული შევხვდით. გავსენით 4 პირველი კლასი, ბავშვებს და მათ პედაგოგებს დაურიგდათ უფასოდ სახელმძღვანელოები და ნოუთბუქი. გარდა სამინისტროსგან შემოთავაზებულისა, კიდევ ბევრი სიახლე გვაქვს დაგეგმილი. მისი განხორციელების გარანტიას ძლიერი პედაგოგები გვაძლევენ. შემოქმედებითად გვიდგანან მხარში მოადგილეები: **მაგული ღვინჯილია** (სასწავლო დარგში) და **თინათინ გოგრიჭიანი** (აღმზრდელით დარგში), ასევე, მეტად ენერგიულია სამეურვეო საბჭოს თავმჯდომარე, გამოცდილი პედაგოგი, ათასლარიანი სერთიფიკატის მფლობელი **ზურაბ მარეხაშვილი**.

გასული სასწავლო წელი უხვმოსავლიანი იყო. 45 მოსწავლემ დაამთავრა 12 კლასი. ოქროს მედლის კავალერი გახდა სოფო გრიგოლიანცი. ყველა

უწყაჩიანოვის სასწავლო წელი

კურსდამთავრებულმა გვასახელა. მათი 76 % სტუდენტი გახდა, 100 %-იანი გრანტის მფლობელია **მაკა ედილაშვილი**, რომელიც ილიას უნივერსიტეტში სწავლობს. ექიმის კაბინეტი არ გახსნილა, რადგანაც წელს პილოტირებულ სკოლათა სიაში ვერ მოვხვდით. კეთილმონყობილი სასკოლო ბუფეტი კი ფუნქციონირებს. ორგანიზებულად დარიგდა დიდი საჩუქარი – უფასო სახელმძღვანელოები. ბევრი სერთიფიცირებული პედაგოგი ეფექტიანად უძღვება სასწავლო-აღმზრდელით პროცესს. მანდატურები: **გიორგი დათაშვილისა და ელზა გიგაურის** უნარიანი მუშაობით კმაყოფილი ვართ. კიდევ ბევრი სიახლე გვაქვს დანერგილი, მაგრამ ნათქვამია: წინილებს შემოდგომაზე ითვლიანო. სასწავლო წლის ბოლომდე შევეცდებით უთვალავი წინილა გვყავდეს. ჩვენი პედაგოგები ამისთვის ძალღონეს არ დაიშურებენ.



გიორგი გარსიძე (154-ე საჯარო სკოლა)

ახალგაზრდა დირექტორს პედაგოგიური წრეობა უკვე მიღებული აქვს. მესამე წელია ამ სკოლაში იღვწის და უნარიანი ხელმძღვანელის სახელი დაიმკვიდრა. იგი 179-ე სკოლისა და თავის დროზე სულხან-საბა ორბელიანის სახელობის პედაგოგიური უნივერსიტეტის აღზრდილია. წარჩინებით დაამთავრა ისტორიის ფაკულტეტი. ახალგაზრდა დირექტორი უყვართ მოსწავლეებს და პედაგოგებს.

სკოლის ინფრასტრუქტურა მონესრიგებულია. ძლიერ პედაგოგებთან ერთად საერთო წარმატებისთვის შემოქმედებითად იბრძვიან დირექტორის მოადგილე, **ხათუნა უზნაძე**, სამეურვეო საბჭოს თავმჯდომარე **ირმა კეკელიძე** და სხვები. გარდა განათლების სამინისტროს მიერ შემოთავაზებულისა, ჩვენი ინიციატივით კიდევ ბევრი სიახლე ინერგება, რაც უთუოდ შეუწყობს ხელს სასწავლო-აღმზრდელით პროცესის ეფექტიანობას. განსაკუთრებულ ყურადღებას მივაქცევთ მოსწავლეთა შემეცნებითი და შემოქმედებითი უნარების განვითარებას. წელს 3 პირველი კლასი მივიღეთ. უფასოდ სახელმძღვანელოები და კომპიუტერები ორგანიზებულად დარიგდა. პირველკლასელთა ოთახები მოვანერგიეთ, კიდევ სხვა სახის რემონტი ჩავატარეთ. ასე რომ, ორგანიზებულად დავინყეთ ახალი სასწავლო წელი.

ამჟამად 21 სერთიფიცირებული პედაგოგი გვყავს, მათ შორისაა ენერგიული, გამოცდილი მენტორი მასწავლებელი **ნათელა გოჩაშვილი**, რომელიც დიდი ენთუზიაზმით მუშაობს. მანდატურები პასუხისმგებლობით ეკიდებიან თავიანთ მოვალეობას, მხარში გვიდგანან.

ყოველივე ზემოთქმული წარმატებული სტარტის აღების საშუალებას გვაძლევს და ჩვენი გამარჯვების სანინდარია.

ესაუბრა **პირის მიხველაკა**

ვიაროთ წარმაცებების გზით

ნარსული მომავლისათვის



შუა რიგში მარცხნიდან პირველი თამარ სანიკიძე

ასალი შემართებითა და გამოკვეთილი მიზნებით დაიწყო კიდევ ერთი 2014-2015 სასწავლო წელი. საგანმანათლებლო და აღმზრდელი საქმიანობა ჩვენს ქვეყანაში მნიშვნელოვანწილად დაკავშირებულია საქართველოში განათლებისა და მეცნიერების სამინისტროს უნარიანად მართვაზე. სიახლეთან დაკავშირებით სასაუბროდ ვეწვიეთ თბილისის მე-8 საჯარო სკოლას, სადაც სწავლობდა და საშუალო განათლე-

ბა მიიღო განათლებისა და მეცნიერების მინისტრმა თამარ სანიკიძემ. შეგხვდით მის ყოფილ პედაგოგებს, სკოლის დღევანდელ დირექტორს. მეტად საინტერესო გამოდგა სკოლის დაწყებითი კლასების მასწავლებლის, თამარ სანიკიძის ყოფილი კლასის ხელმძღვანელის დარეჯან ჯოჯუას საუბარი. მან გაზეთში გამოსაქვეყნებლად ტექსტი სათაურით „ნეტავი ბევრი გაზარდოს...“ გადმოგვცა. გთავაზობთ მას.

„ნეტავი ბევრი გაზარდოს...“

დედაქალაქში საჯარო სკოლებს შორის ერთერთი გამორჩეულია მე-8 საჯარო სკოლა, რომელიც ჯერ კიდევ აკაკი კვიციანი სკოლის სახელით არის ცნობილი.

ოცდათორმეტი წელი მართავდა ბატონი აკაკი ამ სკოლას და ვინ მოთვლის იმ სასიკეთო საქმეებს, იმ ღვაწლს, რაც მულჩაუხრელი შრომითა და უძილო ღამეებით გაუკეთებია.

თბილისის მე-8 საჯარო სკოლა ცნობილია უძველესი ტრადიციებით, სასწავლო-აღმზრდელი პროცესის მაღალი ხარისხით, პედაგოგიური კადრებითა და ნიჭიერი მოსწავლეების პოტენციალით.

„პატარა სოფელს“ სახელი მაშინ გავარდნა, როცა იქ დიდი კაცი დაიბადება“, წერდა მიხეილ ჯავახიშვილი. ასეა სკოლაც, როდესაც იქ აღიზრდებიან ისეთი ბავშვები, რომლებიც თავიანთი საქმიანობით ხდებიან წარმატებულნი, სახელოვანნი და გამორჩეულნი. ბევრი სასახელო ადამიანი აღუზრდია მე-8 საჯარო სკოლას და დღეს, როდენ სასიხარულოა, რომ განათლებისა და მეცნიერების სამინისტროს ჩვენი სკოლის აღზრდილი თამარ სანიკიძე უდგას სათავეში.

„ნეტავი ბევრი გაზარდოს, შენისთანები დედამა“ – დიდი ვაჟს ეს სტრიქონები ამეკვიტა, თამარ სანიკიძის მოსწავლეობის ხანას თვალს რომ გადავავლე.

სკოლაში მოსვლის პირველი დღიდანვე შესამჩნევი და გამორჩეული გახდა. მისთვის ზერეულ ცოდნა არ არსებობდა, ყველა საგანს ერთნაირი ინტერესით ეუფლებოდა; იყო სხარტი გონების „პატარა კრიტიკოსი“, ყველა სასკოლო თუ საკლასო ღონისძიების სულსჩამდგმელი...

ამაყია დღეს თბილისის მე-8 საჯარო სკოლის პედაგოგიური კოლექტივი!

გიხაროდეს მამულო! ღმერთმა გვიმრავლოს ასეთი ახალგაზრდები, თამარის მსგავსები, ვისითაც ყველა მშობელი, მას-

წავლებელი, სკოლა და სრულიად საქართველო იამაყებს!

დარეჯან ჯოჯუა,
თბილისის მე-8 საჯარო სკოლის დაწყებითი კლასების მასწავლებელი, თამარ სანიკიძის ყოფილი კლასის ხელმძღვანელი.

გავესაუბრეთ მე-8 საჯარო სკოლის ახლად დანიშნულ დირექტორს, რამდენიმე წლის წინათ ამავე სკოლის პედაგოგს ქალბატონ ნათია მაისურაძეს:

ქალბატონო ნათია, იქნებ ჩამოგვითვალოთ, რა პოზიტიურ ძვრებს ხედავთ საგანმანათლებლო სისტემაში?

ეს გახლავთ: პედაგოგთა პროფესიული კვალიფიკაციის ამაღლების (გადამზადების) მოწესრიგება. ამ პროცესის სრულყოფილებისაკენ მიმართული საქმიანობა; მოსწავლეთა სახელმძღვანელოებით უზრუნველყოფის სფეროში განუვლი ღონისძიებები;

სამინისტროსა და საგანმანათლებლო რესურსცენტრების მიერ კოორდინაციული მუშაობის წარმართვა;

– ღონისძიებანი უსაფრთხო სკოლის კონცეფციის შემუშავების კუთხით;

ძირითადად რა ნაკლოვანებები შეინიშნება საგანმანათლებლო სტრუქტურაში?

ეს გახლავთ პრობლემები ინფრასტრუქტურის მოწესრიგების კუთხით, სასწავლო დაწესებულებების შენობა-ნაგებობების, ეზოგარემოს ტექნიკურ და ესთეტიკურ საქმეში არსებული მდგომარეობის სათანადოდ გაუმჯობესებაში;

ასევე გადასახედი და მოსაწესრიგებელია მოსწავლის ცოდნის დაუფლებისა და მორალურ-ესთეტიკური კუთხით სათანადო მოტივაციის უზრუნველყოფის ფორმები და მეთოდები.

დიდ მადლობას მოგახსენებთ,

ქალბატონო ნათია,
საუბარი ჩაინერა რომან მოსევილია

მზრდილი ყრბათა

გულს უძღვნის ბავშვებს, – ამბობდა დიდი პედაგოგი სუხომლინსკი. ასეთი აღმზრდელია თბილისის 69-ე სკოლის IV კლასის მასწავლებელი დალი თათეშვილი. ასე ფიქრობენ მისი კოლეგები, მშობლები, აღსაზრდელები. მართლაც, დამსახურებული პედაგოგი გულის სითბოს უნაწილებს თავის მოსწავლეებს ბრწყინვალე გაკვეთილებით, ტკბილი საუბრით, სიყვარულით, ალერსიანი მოპყრობით. ყველაფერი ეს ხომ დიდი პედაგოგის თვისებაა, რითაც შემეძლება ქალბატონი.

გორის პედაგოგიური ინსტიტუტის აღზრდილი, აგერ უკვე 30 წელია სულ პატარე-

გულის სითბოს უნაწილეს

პოეტის სტრიქონებშია გაფლერებული: „შეგვასწავლა ანი, ბანი, შეგვაყვარა დედაენა, თავს გვევლება, ფრთებს გვისწორებს, რომ თამამად შევძლოთ ფრენა“.

დალი თათეშვილს მშობლები და აღ-



ბის სწავლალზრდის საქმეს ემსახურება, 27 წელია ამ სკოლაში მოღვაწეობს.

ასეთი ბიოგრაფიის მქონე პედაგოგის ხელში რომელი მშობელი არ ინატრებდა თავისი პატარის აღზრდას?

დაიხ, ბავშვებს ზრდის იაკობის „დედა ენით“, მამულისა და მოყვასის სიყვარულით. ზედგამოჭრილია მისთვის აღსაზრდელთა გულისთქმა, რომელიც ერთი

საზრდელეები მასწავლებლის დღეს ულოცავენ.

ცხადია, ასეთ პედაგოგებს მთავრობისა და საზოგადოების მხრიდან მეტი დაფასება სჭირდებათ. მალე მოსულიყოს უამი, როცა ერი და ბერი უფრო ღირსეულად დააფასებს მასწავლებელს!

დავითა ტყეშელაძე

გამარჯვებული

ზაზა ლომოური (მე-5-ე საჯარო სკოლის დირექტორი)

იმ გამოცდილ დირექტორთა შორისაა, ვინც ზედიზედ გაიმარჯვა კონკურსში. უმუშავია სხვადასხვა სკოლის ხელმძღვანელად, აქ კი შვიდი წელია მოსწავლე ახალგაზრდობას და პედაგოგიურ კოლექტივს უძღვება. ზედაპირული დათვლიერებითაც კი მიხვდებით, რომ სკოლა სანიმუშოდ მოემზადა ახალი სასწავლო წლისთვის. როგორც იტყვიან, ყველაფერი „აჟურშია“.

– ორი პირველი კლასი გავხსენით. ყველა პანას უფასოდ დაგურიგეთ სახელმძღვანელოები და „ბუკი“. მათი მასწავლებლებიც დავასაჩუქრეთ. მთელ სკოლაში უფასო სახელმძღვანელოებით ყველა მოსწავლე უზრუნველყოფილია. ყველა მშობელი გახარებულია, მადლობას უხდის მთავრობას, განათლების სამინისტროს. გვყავს 12 სერთიფიცირებული პედაგოგი, მასწავლებელთა 40%-ზე მეტი. შარშან 38 ახალგაზრდამ დაამთავრა სკოლა. ქეთევან ტომარაძე ოქროს მედალი დაისაკუთრა. ყველა სტუდენტი, ბევრი 100%-იანი გრანტის მფლობელია.

ენერგიულად დავინყეთ სასწავლო წელი. პედაგოგებთან ერთად დირექციას მხარში უდგანან დირექტორის მოადგ-



ილე ინგა ბერძენიშვილი და სამეურვეო საბჭოს თავმჯდომარე, მშობელი ნინო დალაქიშვილი. გვაქვს კარგი სასკოლო ბუფეტი. საერთო წარმატებაში დიდი წვლილი შეაქვთ შრომისა და მოსწავლეების მოყვარე მანდატურებს: ფარნავაზ ზაჯაძეს და ნონა ახალკაცს. მათ პედაგოგებთან და მოსწავლეებთან ჰარმონიული ურთიერთობა აქვთ. ერთი სიტყვით, მაღალ შედეგებზე ვართ ორიენტირებულნი.

პორის ხარეაპა

აკადორძინოთ და განვაპიოთაროთ პროფესიული განათლება



პროფესიული განათლება წარმოადგენს საქართველოს განათლების ერთიანი ეროვნული სისტემის მნიშვნელოვან შემადგენელ ნაწილს.

დღეს, ახალი გეგმის თანახმად, აუცილებლობას წარმოადგენს პროფესიული განათლების ორიენტირება შრომის ბაზარზე. საჭიროა შედარებით უფრო დახვეწილი პროფესიული საგანმანათლებლო სტანდარტების შემუშავება, რომლებიც გაითვალისწინებენ დამსაქმებლის მოთხოვნებსა და საერთაშორისო გამოცდილებას.

როგორც სხვა საგანმანათლებლო სტრუქტურებში, ასევე პროფესიულ სასწავლებლებშიც არაერთი ღონისძიება ჩატარდა მიმდინარე სასწავლო წლის ორგანიზებულად დასაწყებად.

თუ რა ვითარებაა სადღეისოდ პროფესიული განათლების სისტემაში, ამ საკითხზე სასაუბროდ შევხვდით საქართველოს განათლებისა და მეცნიერების სამინისტროს პროფესიული განათლების განვითარების დეპარტამენტის უფროსს **თამარ ქიტიაშვილს**.

– ქალბატონო თამარ, როგორ შეხვდა ახალ სასწავლო წელს ქვეყნის პროფესიული განათლების სისტემა?

– გარკვეული ქმედითი ღონისძიებები ჩატარდა ამ უკანასკნელი წელიწადის განმავლობაში სისტემაში შემავალი სასწავლო დაწესებულებების საქმიანობისა და მისი შედეგების განმტკიცების მიზნით:

- გაიზარდა პროფესიული სასწავლებლის მასწავლებელთა და სხვა თანამშრომელთა ხელფასები საშუალოდ 35-40 %-ით.
- პროფესიული განათლების ხელმისაწვდომობისა და ხარისხის გაუმჯობესების მიზნით, დაიგეგმა არსებული პროფესიული სასწავლებლების სარეაბილიტაციო საშუალებები და შეფასდა ახალი სასწავლებლების განვითარების საჭიროება.
- პროფესიულ განათლებაში დაინერგა ინკლუზიური განათლების დანერგვა, პროფესიულ საგანმანათლებლო დაწესებულებებში მუშაობა დაიწყო ინკლუზიური განათლების სპეციალისტებმა. შეიქმნა შესაბამისი სასწავლო გარემო. პროფესიულ სასწავლებელში ჩაბარების მსურველ პირს აფასებს მულტიდისციპლინური გუნდი, ადგენს სპეციალურ საგანმანათლებლო საჭიროებას და იგეგმება მათთვის პროფესიის მოსიწვევის პროცედურა. შედეგად, მიმდინარე წელს პროფესიულ განათლებაში ასამდე პირი ჩაერთო.
- პროფესიული განათლება ხელმისაწვდომი გახდა მსჯავრდებულებისა და პრობაციონერებისათვის, შედეგად, 2014 წელს პროფესიულ განათლებაში 56 მსჯავრდებული ჩაერთო.

- პროფესიულ პროგრამებზე ჩარიცხვის მსურველთა სარეგისტრაციო პუნქტების რაოდენობა სამიდან ასამდე გაიზარდა. გაიზარდა აპლიკანტთა რაოდენობაც, მოიხსნა ზოგადი უნარების გამოცდების სახით არსებული ბარიერი და შემუშავდა პროფესიულ უნარებზე მორგებული, გამჭვირვალე და სამართლიანი ჩარიცხვის წესი. დამსაქმებლის ჩართულობით, Dacum მეთოდოლოგიის გამოყენებით გადაიხედა 70-ზე მეტი პროფესიული სტანდარტი, მიმდინარეობს კიდევ ასამდე სტანდარტის გადამუშავება.
- პროფესიული განათლების განვითარების მიზნით, ევროკავშირის დახმარებით, შემუშავდა და დამტკიცდა პროფესიული განათლების განვითარების 2013-2020 წლების სტრატეგია.
- შემუშავდა პროფესიული ორიენტაციისა და კარიერის დაგეგმვის სისტემის მოდელი და დაინერგა მისი პილოტირება.
- შემუშავდა და დამტკიცდა პროფესიული ტესტირების ახალი მოდელი, რომელიც ემსახურება პროფესიული განათლების მიღების მსურველთა უნარებისა და შესაძლებლობების შესაბამისობის დადგენას, მათ მიერ შერ-

მაგდა (37 მლნ. 318 ათასი ლარი). შესაბამისად, რეფორმის ყველა მიმართულებით ინტენსიური ღონისძიებები მიმდინარეობს.

პროფესიულ პროგრამებზე 2013 წლის შემოდგომით 8500-მდე, ხოლო 2014 წლის საგაზაფხულო მიღებისას (აპრილი-მაისი) 3000-მდე პროფესიული სტუდენტი ჩაირიცხა სრული სახელმწიფო დაფინანსებით. 2014 წლის საშემოდგომო მიღებისთვის დარეგისტრირდა დაახ. 11 000 აპლიკანტი. სტრუქტურული და ფუნქციური გაუმჯობესების მიზნით შეიცვალა კოლეჯების საშუალო განრიგები, რომლებიც გაცილებით ეფექტურად პასუხობს პროფესიული განათლების წინაშე დღეს არსებულ გამოწვევებს.

სამინისტრო ინტენსიურად მუშაობს სისტემაში დამსაქმებელთა ჩართულობაზე, რასაც კერძო სექტორის მხრიდან დადებითი გამოხმაურება მოჰყვა. კომპანიები წარჩინებულ სტუდენტებს 150 ლარის ოდენობით სტიპენდიებით უზრუნველყოფენ, სწავლის დასრულების შემდეგ კი, შემდგომი დასაქმების პერსპექტივით, 1-3 თვიან პრაქტიკა/სტაჟირებას სთავაზობენ.

სრულდება მუშაობა პროფესიული განათლების მასწავლებლის მომზადებისა და პროფესიული განვითარების კონცეფციაზე. მიმდინარე წელს მალატტეკნოლოგიურ სანარმოებში ტრენინგს პროფესიული

და გადამზადების საკონსულტაციო მომსახურების სისტემის მოდერნიზაცია – პროგრამა მიმდინარეობს სოფლის მეურნეობაში საკონსულტაციო სერვისის დანერგვისა და პროფესიული განათლების განვითარების მიზნით, გაეროს განვითარების პროგრამისა (UNDP) და შვეიცარიის განვითარების სააგენტოს (SDC) მხარდაჭერით;

- ესტონური პროფესიული განათლების სისტემის გაზიარების მიზნით მიმდინარეობს პროგრამა „პროფესიული განათლების ხელშეწყობა საქართველოში“ – ფონდი „INNOVE“-ს, ესტონეთის განათლების და კვლევის სამინისტროსა და საქართველოს განათლებისა და მეცნიერების სამინისტროს ერთობლივი ძალისხმევით იგეგმება პროფესიული საგანმანათლებლო დაწესებულებების მოდულურ პროფესიულ საგანმანათლებლო პროგრამებზე გადასვლის, პროფესიული განათლების სისტემაში არსებული ჩიხების აღმოფხვრისა და პროფესიულ საგანმანათლებლო დაწესებულებებში ხარისხობრივი პარამეტრების განვითარების ხელშეწყობა.

– ქალბატონო თამარ, სულ რამდენი პროფესიული-საგანმანათლებლო სასწავლებელია საქართველოში? მათ შორის რამდენია საჯარო და რამდენი კერძო?

– საჯარო სასწავლებლების რაოდენობა შეადგენს 34-ს, ხოლო კერძო სასწავლებლები კი სისტემაში 80-ზე მეტია.

– რით აიხსნება კერძო სასწავლებლების უაღრესად დიდი რაოდენობა საჯაროებთან შედარებით?

– სხვაგვარად რომ შევხედოთ, საჯარო დაწესებულებებს ერთობლივად ბევრად მეტი სტუდენტი უფიქსირდებათ, ვიდრე კერძო კოლეჯებს, ანუ კერძო კოლეჯები მცირე და მრავალრიცხოვანია, ხოლო საჯაროები კი, შედარებით მსხვილი.

– ქალბატონო თამარ, როგორც ცნობილია, ამჟამად ქვეყანაში მხოლოდ 10 ისეთი სასწავლებელია, სადაც სტუდენტი, რომელიც აქ ჩაირიცხა სკოლის 9 კლასის დამთავრების შემდეგ, პროფესიული განათლების ატესტატის და პროფესიული კოლეჯის დიპლომის მიღებით. გეცოდინებათ, ამ ორი ათეული წლის წინ, ყველა სასწავლებელი ასეთი ტიპის იყო, (დღეს, მაგალითად, ასეთ დაწესებულებაა შპს წმიდა დავით ყიფიანის სახელობის მრავალპროფილიანი სკოლა-კოლეჯი თბილისში პოლიტკოესკაიას №10-ში). რა აზრის ბრძანდებით აღნიშნულთან დაკავშირებით?

– ვფიქრობ, რომ ასეთი სასწავლებლის ფორმა და შინაარსი მისაღებია, თუმცა მიდგომა ალბათ შესწავლასა და განვითარებას საჭიროებს.

– ქალბატონო თამარ, რას იტყვი საქართველოს რკინიგზის საზოგადოებრივი კოლეჯის (თბილისში, დაღმაშენებლის №138) ათეული წლების განმავლობაში ფუნქციონირების შემდეგ ხსენებული შენობიდან ამ ორწლიანხვედრის წინ გამოძევების თაობაზე? ეს შენობა კი დღემდე ცარიელი და დაუტვირთავი გახლავთ.

ეს არის ის კოლეჯი, რომელმაც პირველმა მიიღო ავტორიზებული სასწავლებლის სტატუსი მთელ საქართველოში.

– ვფიქრობთ, საქართველოს რკინიგზის ხელმძღვანელობასთან უნდა ვისაუბროთ ამ საკითხზე.

– დიდი მადლობა.



ჩეულ პროფესიულ საგანმანათლებლო პროგრამებთან.

- აშშ-ის ათასწლეულის გამოწვევის ფონდი – საქართველოს (MCA-Georgia) მხარდაჭერით მომზადდა საქართველოს პროფესიული განათლების სისტემაში ჩართულობის დამსაქმებელთა მასტიმულირებელი რეკომენდაციები.
- წელიწადში ორჯერ იმართება პროფესიული განათლების ფესტივალი – „პროფესიული განათლება დასაქმებისათვის“ – პროექტი კერძო სექტორის მხარდაჭერით ხორციელდება და ემსახურება პროფესიული განათლების სისტემის შესახებ ცნობიერების ამაღლებას.

2014 წელს პროფესიული განათლების რეფორმის სტრატეგიის შესაბამისად, მიმდინარეობს სამოქმედო გეგმაზე მუშაობა: აღნიშნული სტრატეგიის მხარდაჭერისა და პროფესიული განათლების შრომის ბაზრის მოთხოვნებთან დაკავშირების მიზნით, ევროკავშირმა საბიუჯეტო და ტექნიკური დახმარების სახით, 27 მლნ. ევრო გამოყო. შესაბამისი პროგრამით გათვალისწინებული პირველი ტრანშის თანხა – 3 მლნ. ევრო უახლოეს მომავალში საქართველოს სახელმწიფო ბიუჯეტში ჩაირიცხება.

შარშანდელთან შედარებით, 2014 წელს პროფესიული განათლების ბიუჯეტი გაორ-

სასწავლებლის მინიმუმ 40 მასწავლებელი გაივლის.

არსებული სასწავლო ინსტიტუციური გაძლიერებისა და განათლების ხარისხის გაუმჯობესების მიზნით, ქვეყნის მასშტაბით, სარეაბილიტაციო-მოსამზადებელი საშუალებები 10 პროფესიულ კოლეჯში მიმდინარეობს. მუშავდება ახალი პროფესიული სასწავლებლების განვითარების გეგმა.

- მიმდინარეობს აშშ-ის ათასწლეულის გამოწვევის კორპორაციის 16 მილიონი აშშ დოლარის სტრატეგიული ინვესტირება პროფესიული განათლებისა და ადამიანური კაპიტალის განვითარებისათვის;
- გაძლიერდა დამსაქმებლის ჩართულობა პროფესიულ-განათლებაში და გაფორმდა ურთიერთთანამშრომლობის მემორანდუმები მსხვილ დამსაქმებლებთან – ურთიერთთანამშრომლობის მემორანდუმში ითვალისწინებს დამსაქმებლის ჩართულობას პროფესიული სტანდარტების გადახედვის პროცესში, პროფესიულ სტუდენტთა პრაქტიკულ კომპონენტთა ათვისების მხარდაჭერას სანარმოო ბაზაზე და კურსდამთავრებულთა დასაქმების ხელშეწყობას;
- ამოქმედდა 5 წლიანი პროგრამა „საქართველოს სოფლის მეურნეობის სფეროში პროფესიული განათლების

„იხარდე, მნჯახე ჯეჯილო!..“

გამარჯობათ, 59-ე ბაგა-ბაღელებო!



მეცადინეობა

ვლო-აღმზრდელობითი პროცესის ეფექტიანად წარმართვისთვის ზრუნავს.

ყველა ასაკობრივი ჯგუფი თანამედროვე სტანდარტების შესაბამისად განთავსებულია დგამავეჯით. გამოყოფილია აქტივობის ცენტრები ე.წ. „კერა“.

ახალი სასწავლო წლისთვის ყველა აღმზრდელს თავისი პორტფოლიო (საჭირო, მეთოდური მასალა) მზად ჰქონდა.

მეტად გაიხარეს ცეროდენებმა და მათმა მშობლებმა, როცა სასტიკად ცხელი ზაფხულის არდადეგებიდან დაბრუნდნენ. უფრო ჩანკინიკებული და გაკობხავებული დაუხვდათ მშობლიური ბაგა-ბაღი. შარშანაც დიდებული იყო ინფრასტრუქტურა, მაგრამ წელს იგი უფრო გაბრწყინებულიყო. კერძოდ, რაც არ უნდა ინვიმოს, ლაფის ნატამალი არ იქნება, ისე მოუპირკეთებიათ მთელი ეზო. ადრე ხომ განამებული იყვნენ დამლაგებლები იატაკების მონმენდისგან. კიდევ ის დახვდათ სიახლე, რომ სამზარეულოს გვერდით კობხა ბოსტნეულის საწყობი მოუშენდა. სამი წლის წინათ ვიყავით აქ და მაშინდელი ვითარება დღევანდელისგან ისე განსხვავდება, როგორც ცა და დედამიწა. ასე იცის შრომითა სიყოფიერე და თავდადება, ტკბილ ნაყოფს მოისხამს ხოლმე. ყოჩაღ, დირექტორო, **მზია ფარეიშვილი!** მადლობა თქვენ, პედაგოგ-აღმზრდელებო, ბაგა-ბაღის მუშაებო, ასე რომ გაახარეთ მშობლების გული. მადლობა მთავრობას, მერიას. მათ ხომ ბევრ სიკეთესთან ერთად ბაღის ქირის გაუქმებით შევბა მოუტანეს ასეულათასობით ოჯახს, საგრძნობლად გაუზარდეს ხელფასი აღმზრდელ-პედაგოგებს. დირექტორმა **მზია ფარეიშვილმა**, კითხვებზე პასუხი რომ ვთხოვე, მომიგო: გაგონილს დანახული სჯობს, აქეთ წამოზრდით და... აკაკისა არ იყოს, ეს თვალები რას ნახავენ, სხვას უკეთეს სანახავსო. შინ და გარეთ ნამდვილი ზღაპრული სამყაროა. ყველგან სისუფთავე და აკურატულობა სუფევს. ყველაფერს ესთეტიკური იერი გადაჰკრავს. სამზარეულო გარეთაა, მაგრამ დერეფანში შემოაღწია მადის აღმძვრელი, ყუათიანი კერძების არომატმა. გემოვნებიანი მზარეულები ნაირა ეგრისელაშვილი და ნონა პაქსაშვილი ცეროდენებს სადილს უმზადებდნენ. პატარებს მოსწონთ აქაური კერძები, შინ დედისგან გაკეთებულს ურჩევნიათ. უნებურად ერთი პოეტი მშობლის ნათქვამი გამახსენდა: კერძებია იმისთანა, რომ ჩაატან თითებს თანაო.

კაბინეტში გამოცდილ მეთოდისგან გავესაუბრე, რომელსაც ახლა საგანმანათლებლო პროგრამების კოორდინატორი ჰქვია. **რუსუდან ბენდელიანმა** თავისი მუშაობა მოკლედ გაგაცნო. იგი ხომ მთელი სასწავლო-

დახმარების ყველა აპარატურა-მედიკამენტით. ბავშვების მეგობარი ჯანმრთელობისა და ჰიგიენური უზრუნველყოფის კოორდინატორები: **ლია ძმანაშვილისა** და **სესილი საბაშვილის** შიშით ბაგა-ბაღის ვერცერთი ინფექცია თუ „ლორის გრიპი“ ვერ გაეკარება. ბრწყინავს, ელავს ბავშვთა ოთახები. ყველგან ფუსფუსია და ხალისი, მეცადინეობა ან თამაში. ყველგან თოჯინები იცინიან. არ გვერათ?

კვება



ისინი ბავშვებთან ერთად ინდივიდუალურ მუშაობასაც ეწევიან. დირექტორმა გამოცდილი და ენერ-

აქეთ წამოზრდით! – გვეპატიება დირექტორი. 4-5 წლიანთა ჯგუფს მივა-

თქვენ ბაიხაკით, ტეკოღენებო!

სწავლობს



მსწავლობს ხატვას

გიული მოადგილე **ნინო გვარამია** გაგაცნო. იქვე შრომისმოყვარე საქმის მწარმოებელი **თია ლურსმანაშვილის** შევეხმიანეთ.

ჩემი თავი არ გამოგრჩეთო, – იხუმრა გვერდით მყოფმა სამეურნეო ნაწილის კოორდინატორმა **ბელა ბუხრაშვილმა**. ამ დროს აღმზრდელები თანამშრომლებთან ერთად თავიანთ ჯგუფებს დაჰყოფინებდნენ, პატარებს ამეცადინებდნენ, ავარჯიშებდნენ, ათამაშებდნენ. ტკბილმშობლიური ჰანგები ირხეოდა სამუსიკო დარბაზიდან. ესენი პატარების ესთეტიკური აღმზრდელები: **თამარ კალმახელიძე** და **ნინო თხინვალი** იყვნენ. მათთან ერთად ქებით შეამკო დირექტორმა ცეკვის მასწავლებელი **ირაკლი ჩიჭია**. მათ გარეშე ხომ ვერცერთი მხატვრული ღონისძიება ვერ ჩაივლის.

სანამ სხვა თანამშრომლებს გაგაცნობთ, მოდით სამედიცინო ბლოკს ვწვიოთ. აკურატულად არის იგი აღჭურვილი პირველადი

დექით, ცეროდენებს ამეცადინებდა პედაგოგი **დალი ბაჩუკაშვილი**. დედა, რა სისუფთავეა, რა სილაამაზე! დგამ-ავეჯი – უმაღლესი სტანდარტებისა. აი, პანელების პატარა სამზარეულო. სველი წერტილები – სრულ წესრიგშია. ყველას საკუთარი კარადა, პირსახოცი აქვს. იგივე ვითარებაა გვერდით მყოფ ბაგის ჯგუფში, ოღონდ აქ მეთი ჯაფა აწევთ აღმზრდელ **გულიკო ჯანუაშვილს** და მის თანამშრომელს **ირინე ნოზაძეს**. მათ ხომ ელემენტარულ ქცევის წესებს უნდა მიაჩვიონ პანეები, პირის დაბანას, ჭამას, კოვზის დაჭერასაც კი. აი, დიდებული საძინებელი ოთახი: სუფთა ლოგინები, სიმშვიდე, შესანიშნავი სამზარეულო, ტუალეტი – ყველაფერი ევროპული სტანდარტებითაა განწყობილი.

გამოსაშვებ ჯგუფებში პატარების ხალისიანი ჟრიაშულით, სიტყვა-პასუხით, რეკლამაციით, აღზრდილობით მოხიბლულმა, ბავშვობა ვინატრე: „ჰეი, ბავშვობის

დღეებო, დაბრუნდებოდეთ ნეტაი!“ ამით შემყურე „სულ ახალგაზრდა ვიქნებით, გული არ დაგვიბერდება“.

შარშანდელი გამოშვება უზემოსავლიანი იყო. 120 სასკოლოდ კარგად მომზადებული ცეროდენა ზემით გააცილეს და სწავლისკენ გზა დაულოცეს აღმზრდელ-პედაგოგებმა: **ლია კირვალიძემ**, **ციცო ნანობაშვილმა**, **ლია სოზარაშვილმა**. მომავალი წლისთვის უფრო მეტს გაუზრუნველნა 154-ე და სხვა საჯარო სკოლებს: **დალი მანუაიძე**, **შორენა თოთაძე**, **ციცო ნანობაშვილი** და **ნინო ახსიაშვილი**.

როგორც მშობლები არიან მადლიერი ბაგა-ბაღით, ასევე **მზია ფარეიშვილი** და მისი აღმზრდელ-პედაგოგები კმაყოფილი არიან: მშობელთა სამეურნეო საჭიროთა ვმჯდომარის **ლია ძმანაშვილის**, მდივნის **ნინო ოიაძის**, წვრების **მედი ბერიანიძისა** და **ნინო ხაჩიძის** თანამშრომლობით, შეხმატკბილებული მუშაობით.

არ შემიძლია ქების სიტყვები დავიშურო ბრწყინვალე ლოგოპედის **დალი სამსონიას** მიმართ, რომელიც ბევრს მუშაობს პატარების მეტყველების კულტურის დასახვენად. რამე ხომ არ გამომჩნა? ჰო, ცეროდენების სამყაროს სათამაშო და სპორტული ატრიბუტიკით კარგად განწყობილი კობხა ეზო აქვს, ხოლო ნაძვანარით დაბურულ სივრცეში სუფთა ჰაერი როცა შევბას მოგვრის, ბაგა-ბაღი სანატორიუმად მოგეჩვენებათ.

მაღე ზამთარი კარზე ძუ მგელივით მოგვიხტება, მაგრამ რამდენიც უნდა იღმუელოს, 59-ე ბაგა-ბაღელებს ვერაფერს დააკლებს, ისეთი ცენტრალური გათბობა აქეთ. ყოჩაღ, **მზია ფარეიშვილი!** ყოჩაღ, ბაგა-ბაღის თანამშრომელნო! მარჯვენა დაგელოცოთ!


როცა კეთილი სურვილების თქმას დავაპირებ, მუხრანის პოეტური სტრიქონები მაგონდება, რომელსაც გულწრფელად მოგიძღვინთ: „კიდევ უფრო ბევრი შვილი გამოზარდე სასახელო, კიდევ ერთი რუსთაველი კიდევ ერთხელ აამღერო... შეგიძლია ჩემო ბაღო, გაგამარჯოს საქართველოვ!“ სულ ბედნიერად იყავით, 59-ე ბაგა-ბაღელებო!

აია მიშველაძე



ასეთია ჩვენი ეზო

მიყვარს ცეკვა-თამაში



ჩვენი სკოლა

ჩვენი სკოლა თბილისის ქარკო სკოლა "და"



ვერა ყურულაშვილი

➤ **სამშობლოს სიყვარული;**
 ➤ **ეროვნული ფასეულობები.**

საქართველოს ღირსეული მოქალაქის აღზრდაში სკოლას მნიშვნელოვანი როლი ეკისრება. ზოგადასაკაცობრიო ფასეულობები ყალიბდება ოჯახში, სკოლასა და სხვა საზოგადოებრივ გაერთიანებებში, მაგრამ ყველაზე უფრო სისტემურად, თანმიმდევრულად და სიღრმისეულად მათი ჩამოყალიბება სკოლაში შეიძლება.

ძირითადი კითხვა, რომელზეც აღზრდის კონცეფციამ უნდა გასცეს პასუხი არის: **ვისი აღზრდა გვსურს?**

განათლების სისტემის რეფორმა თითოეული ჩვენგანისაგან ჩართულობას, ყოველდღიურ მუშაობას და სიახლეების მიღების მზაობას მოითხოვს. სკოლა ისეთი ორგანიზაციაა, რომელშიც ცვლილებები ძალზე ფაქიზად, დიდი ყურადღებით უნდა შევიტანოთ. ამავე დროს ცვლილებები უნდა იყოს ბუნებრივი და დროში კარგად გათვლილი. არც ერთ მყისიერ ცვლილებას სკოლისათვის სიკეთე არ მოუტანია. დიდი იმედი გვაქვს დღევანდელი ხელისუფლების, რომ ისინი დაკვირვების, ანალიზის შემდეგ მოახდენენ სკოლის და საერთოდ განათლების სისტემაში ცვლილებების შეტანას.

საქართველოში აღზრდის ტრადიციები და კულტურა ყოველთვის არსებობდა. აღზრდის კონცეფციის ჩამოყალიბების დროს აუცილებელია ჩვენი ქვეყნის ისტორიული გამოცდილების გათვალისწინება.

აღზრდის მიზნები და ამოცანები:

- პიროვნული კულტურა;
- საქართველოს ღირსეული, კომპეტენტური, პასუხისმგებლობის გრძნობის მქონე მოქალაქის აღზრდა;
- სოციალური კულტურა;
- ოჯახური ტრადიციები და კულტურა.

ზნეობრივი განვითარება:

ზნეობრივი განვითარება წარმოადგენს პიროვნების მორალური ნორმების, ზოგადასაკაცობრიო ფასეულობების,

სახელმწიფო აღმზრდელობითი სტანდარტის დებულებათა შესაბამისად.

სახელმწიფო განათლებისა და აღზრდის სისტემის პრიორიტეტი უნდა იყოს ერთიანი საგანმანათლებლო სივრცის ჩამოყალიბება, ცალკეული კუთხეების ტრადიციების კუთხური თავისებურებების გათვალისწინებით.

სკოლა უნდა განიხილებოდეს არა მხოლოდ როგორც დაწესებულება, სადაც ცოდნა უნდა მიიღოს მოზარდმა, არამედ როგორც უმთავრესი სოციალური ინსტიტუტი, სადაც ხდება ადამიანის განვითარება.

აღზრდა არ არის ცალკეული საგანი ან ღონისძიება, აღზრდას ემსახურება სკოლა მთლიანად.

სკოლისა და საზოგადოების ურთიერთობა მოსწავლეთა ზნეობრივ და სულიერ აღზრდაში არ ნიშნავს სამოქალაქო ინსტიტუტების ჩარევას სკოლის ცხოვრებაში, ეს არის სკოლის ურთიერთობა კულტურულ, საგანმანათლებლო, სამოქალაქო ინსტიტუტებთან, ამასთანავე სკოლის მართვა ეროვნულ ღონისძიებებში.

მოსწავლეთა აღზრდის, სწავლებისა და სოციალიზაციის პირობები:

- ფინანსური, მატერიალურ-ტექნიკური და ადამიანური რესურსები;
- კულტურულ-აღმზრდელობითი გარემო;
- ეკოლოგიურ-აღმზრდელობითი გარემო;

ოლის მისიას, რომელშიც ფუნდამენტური ცოდნის მიღებასთან ერთად დიდი მნიშვნელობა ენიჭება მოზარდის ზნეობრივ აღზრდას. სკოლაში შემუშავებული კლას-გარეშე მუშაობის მთელი სისტემა, რომელიც მოსწავლეებს უვითარებს საქართველოსადმი სიყვარულს, ეთიკის ნორმებს, აქცევს ყურადღებას იმ ტრადიციულ ფასეულობებს, რომლებიც ოდითგანვე იყო დამახასიათებელი ჩვენი ერის, საქართველოში მცხოვრები ყველა ადამიანისათვის. სკოლაში სუფევს კეთილგანწყობის გარემო, მოსწავლეები და მასწავლებლები ურთიერთპატივისცემით არიან განწყობილნი. სკოლაში არ გვხვდება არც ერთი შემთხვევა, როდესაც ხდება მოსწავლის დისკრიმინაცია, შეურაცხყოფა. ამავე დროს სკოლაში ისეთი გარემოა, რომ ნებისმიერი მოსწავლე გრძნობს, აქ არ შეიძლება მასწავლელის მიმართ უდიერად მოქცევა.

ძალზე მნიშვნელოვანია ის, რომ მასწავლებლები სკოლაში სიხარულით მოდიან, ისევე, როგორც მოსწავლეები. სკოლაში სულ 29 მასწავლებელი მუშაობს, მათ შორის 8 სერტიფიცირებული მასწავლებელია. ყველა არის მაღალკვალიფიციური პედაგოგი, ადამიანები, რომლებსაც უყვართ სკოლა, უყვართ მოსწავლე, უყვართ საქმე, რომელსაც ემსახურებიან.

სკოლა საინტერესო ცხოვრებით ცხოვრობს.

ჩვენ ვასწავლით არა მარტო ეროვნული სასწავლო გეგმით გათვალისწინებულ საგნებს, სკოლას აქვს შემუშავებული საკუთარი პროგრამა მოსწავლეთა კრეატიულ აზროვნებასა და ლოგიკაში. პროგრამის შემუშავებას დიდი დრო მოვანდომეთ, რადგან არა ერთი კონსულტაცია გავიარეთ ფსიქოლოგებთან, ექიმებთან, პედაგოგებთან და მხოლოდ ამის შემდეგ მოხდა პროგრამის შემუშავება. პროგრამაში გათვალისწინებული საკითხები მოსწავლის განვითარებაზეა მიმართული. პროგრამა შედგენილია I-VI კლასებისათვის. სკოლაში პროგრამამ უკვე გაიარა პილოტირება და ძალზე კარგი შედეგები მივიღეთ.

სკოლაში უდიდესი ყურადღება ექცევა წიგნიერებას. თითოეული კლასისათვის შედგენილია აუცილებელი წასაკითხი ლიტერატურის სია, რომელსაც ყურადღებას აქცევს კლასში შემავალი ქართული ენის მასწავლებელი და კლასის ხელმძღვანელი. სკოლის დღეობა **"აღზრდითი განათლებული, წიგნიერი, წარმატებული თაობა!"**

ჩვენ შეგნებული გვაქვს ილიას შეგონება **"უწიგნოდ თვალთახედვის ისარი მოკლეა"**.

წლების განმავლობაში სკოლაში არსებობს "წიგნის მოყვარულთა კლუბი".

სკოლის დირექტორი, ვერა ყურულაშვილი

მიმაჩნია, რომ სკოლისათვის ძალზე მნიშვნელოვანია აღზრდის თანამედროვე კონცეფციის შემუშავება. ეს იმდენად გლობალური საკითხია, რომ მას ადამიანთა ერთი ჯგუფი ვერ გადაწყვეტს, რაც არ უნდა მაღალი დონის პროფესიონალებით იყოს დაკომპლექტებული. კონცეფცია უნდა გახდეს ფართო საზოგადოების განხილვის საგანი, რადგან იგი მთელი საზოგადოების ინტერესებს მოიცავს. კონცეფცია უნდა შეიცავდეს მოთხოვნათა სისტემას იმ ამოცანების, აღზრდის შედეგების და პირობების, პროგრამებისა და სტრუქტურის მიმართ, რომლებიც უნდა შედიოდეს ზოგადასაკაცობრივ სახელმწიფო სკოლის საქმიანობაში, აღზრდის კონცეფციის შინაარსი შეიძლება იყოს შემდეგი:

1. აღზრდის ეროვნული იდეების და თანამედროვე მსოფლიოს ღირებულებათა კავშირი;
2. მოსწავლეების აღზრდის მიზანი და ამოცანები;
3. საქართველოს მოქალაქის ზნეობრივი განვითარება;
4. აღზრდის და სწავლების ფასეულობები ზოგადი განათლების სისტემაში;
5. აღმზრდელობითი მუშაობის სისტემა სკოლაში;
6. აღმზრდელობითი მუშაობის მართვა და მონიტორინგი;
7. სკოლის და საზოგადოების ურთიერთობა მოსწავლეთა ზნეობრივ და სულიერ აღზრდაში;
8. მოსწავლეთა აღზრდის, სწავლების და სოციალიზაციის პირობები.

მოკლე თეზისები: -შესავალი- ძირითადი ზნეობრივი ფასეულობები:

- პიროვნების თავისუფლება;
- სამართლიანობა;
- ადამიანის სიცოცხლე;
- მშვიდობა;
- ოჯახური ტრადიციები;
- სიყვარული და ერთგულება;
- პატრიოტიზმი;



ბაკვეთილი II კლასში

ეროვნულ ტრადიციებსა და კულტურაზე დაფუძნებული ჰუმანიტური პრინციპების ჩამოყალიბების პროცესს. ფასეულობები, რომლებსაც ექცევა ყურადღება აღზრდის კონცეფციაში:

- პატრიოტიზმი;
- სოციალური თანასწორობა და სოლიდარობა;
- მოქალაქეობრიობა;
- ტრადიციები;
- ოჯახი;
- შრომა და შემოქმედება;
- ბუნება და ხელოვნება;
- კაცობრიობა.

აღმზრდელობითი მუშაობის სისტემა:

- საგაკვეთილო პროცესი;
 - კლასგარეშე საქმიანობა (კლასის მუშაობა);
 - სასკოლო აღმზრდელობითი საქმიანობა;
 - ოჯახური აღზრდა;
 - კულტურული, ტრადიციული და რელიგიური ფასეულობები.
- აღმზრდელობითი მუშაობის მართვა და მონიტორინგი:**
- მოსწავლეთა აღზრდისა და სოციალიზაციის პროცესის მართვა და მონიტორინგი ხდება ზოგადი განათლების

- ესთეტიკური გარემო;
 - სკოლის მუშაობა ოჯახთან;
 - დამატებითი განათლება;
 - სასწავლო, კლასგარეშე და სასკოლო საქმიანობის ინტეგრაცია;
 - მოსწავლეთა აღზრდის, სოციალიზაციის პროგრამების მიმართულება პიროვნული, ოჯახური, სასკოლო ცხოვრების პრობლემებზე, აგრეთვე, თემის, ქალაქისა და ზოგადად ქვეყნის პრობლემებზე.
- საერო სკოლა "და" ახორციელებს სკ-



ბაკვეთილი IX კლასში

მასწავლებლების მოლოდინები

გაიოხილება და სიხსლე — ყველას!

როგორც ვიცით, საკლასო გარემოს სხვა მნიშვნელოვან ფაქტორებს შორის დიდი მნიშვნელობა ენიჭება მოსწავლის მიმართ მასწავლებლის მოლოდინებს. გამოცდილებამ გვიჩვენა

მასწავლებლის უარყოფით მოლოდინს, შესაძლოა მნიშვნელოვანი ნეგატიური შედეგები მოჰყვეს. მიუხედავად იმისა, რომ მასწავლებელს შეიძლება, წინასწარ ჩამოყალიბებული განწყობა ჰქონდეს ამა თუ იმ მოსწავლის მიმართ, ის მუდმივად უნდა ეცადოს,



ნა, რომ მოლოდინმა, შესაძლოა, სხვადასხვანაირად იმოქმედოს თავად მოსწავლეზე. მასწავლებლები თავიანთ მოლოდინს მოსწავლეების შესახებ სიტყვიერად გამოხატავენ. როგორც წესი, დროის სიმცირის გამო მასწავლებელი უფრო დიდ ყურადღებას უთმობს იმ მოსწავლეებს, რომელთა მიმართაც მეტი მოლოდინი აქვს და შესაბამისად, ნაკლებ ყურადღებას ვუთმობთ იმ მოსწავლეებს, რომელთა მიმართაც ნაკლები მოლოდინი გვაქვს და უფრო ხშირად ვაკრიტიკებთ კიდევ მათ, ვიდრე ვაქვებთ. იშვიათად და ნაკლებად ვუსვამთ მათ კითხვებს და პასუხის გასაცემადაც ნაკლებ დროს ვუტოვებთ. შედეგად, კლასისა და მოსწავლის მიერ ხდება ამ მოლოდინის გათავისება და აღიარება.

დაძლიოს სუბიექტურობა და მოძებნოს ასეთი პრობლემებისაგან გამოსავალი გზები. მთავარია გვახსოვდეს, რომ ყველა მოსწავლეს აქვს სწავლის უნარი და მოსწავლეებმა ეს დამოკიდებულება მასწავლებლისაგან უნდა იგრძნონ; ყველა მოსწავლეს უნდა ჰქონდეს კითხვაზე პასუხის გაცემისა და დისკუსიაში მონაწილეობის თანაბარი შესაძლებლობა; ვფიქრობ, დიდი ყურადღება უნდა დაუთმოთ იმას, თუ რა პრინციპით ვახდენთ მოსწავლეთა ნახალისებას და დასჯას, მოსწავლეთა ნაშრომების შეფასებისას ბუნებრივია ობიექტური კრიტერიუმებისა და სათანადოდ შერჩეული შეფასების სქემების გამოყენება.

ყველამ ვიცით, რაც არის შეფასე-

შეფასების სქემა ინგლისური ენის გაკვეთილისათვის (გაკვილანი — დონე 3)

შედეგები	სუსტი	საშუალოზე დაბალი	საშუალო	საშუალოზე მაღალი	მაღალი
უცხ.დ. III 23-30 ორგანიზებულია, დავალების შესრულება, ჩართულობა, მოსწავლეებთან და მასწავლებელთან თანამშრომლობა	არ ასრულებს დავალებებს, არ თანამშრომლობს და არა არის ჩართული საგაკვეთილო პროცესში.	იშვიათად ასრულებს დავალებებს ან თანამშრომლობს და ასევე იძულებით ერთვება საგაკვეთილო პროცესში.	იშვიათად თანამშრომლობს და დრო დრო ერთვება საგაკვეთილო პროცესში, შეუძლია თანამშრომლობა, მაგრამ ასრულებს დავალებებს არასრულად და შეცდომებით.	სისტემატურად თანამშრომლობს და ერთვება საგაკვეთილო პროცესში, ასრულებს დავალებებს მცირე ხარვეზებით	სისტემატურად ერთვება საგაკვეთილო პროცესში, თანამშრომლობს და ასრულებს დავალებებს უშეცდომოდ ან მალე უმნიშვნელო ხარვეზებით.
უცხ.დ. III 1-4 მისმენილი ტექსტებისა და დიალოგების შინაარსის გაგება და სათანადო სტრატეგიების გამოყენება	ვერ ახერხებს, რადგან არ არის ჩართული საგაკვეთილო პროცესში	მალე სუსტად ახერხებს, რადგან იშვიათად არის ჩართული საგაკვეთილო პროცესში	მოლიანობაში ვერ გაიაზრებს და ვერ ახერხებს დავალებების შესრულებას, რადგან დრო დრო ერთვება საგაკვეთილო პროცესში და ხშირად ეფანტება ყურადღება	მცირე ხარვეზებით გაიაზრებს და ასრულებს დავალებებს, შეუძლია სათანადო სტრატეგიების გამოყენება შინაარსის გასაგებად	სწორად გაიაზრებს, შემოქმედებითად და უშეცდომოდ ან მალე უმნიშვნელო ხარვეზებით ასრულებს ყველა სახის მოსასმენ დავალებას
უცხ.დ. III 5-11 ტექსტის წაკითხვა/გაგება, ინფორმაციის მოძიება, სათანადო სტრატეგიების გამოყენება, ხმამაღალი კითხვა	არ შეუძლია კითხვა და სათანადო ინფორმაციის მოძიება	ვერ ახერხებს კითხვას, ინფორმაციის მოძიებას და შინაარსის გაგებას სათანადოდ	ახერხებს დიდი პაუზებით და უჭირს ხმამაღალი კითხვა, ძლიერ ახერხებს სათანადო ინფორმაციის მოძიებას და შინაარსის გაგებას	შეუძლია ტექსტის შინაარსის გაგება, ინფორმაციის მოძიება და ხმამაღალი კითხვა, მაგრამ ხარვეზებით	შეუძლია ტექსტის შინაარსის გაგება, ინფორმაციის მოძიება და ხმამაღალი კითხვა მალე უმნიშვნელო ხარვეზებით
უცხ.დ. III 12-15 წერის სათანადო სტრატეგიებისა და ელემენტ-ენობრივი უნარ-ჩვევების გამოყენება, ტექსტის სტრუქტურის დაცვა, მიკროტექსტების შედგენა	ვინაიდან არ აქვს ელემენტარული ენობრივი უნარ-ჩვევები, არ ფლობს წერის სტრატეგიებს და არ შეუძლია მიკროტექსტების შედგენა	ვინაიდან მალე სუსტად ფლობს ენობრივ უნარ-ჩვევებს და წერის სტრატეგიებს არ შეუძლია მიკროტექსტების შედგენა	ფლობს ენობრივ უნარ-ჩვევებს საშუალო დონეზე, ახერხებს ტექსტის სტრუქტურის დაცვას და მიკროტექსტის შედგენას დიდი ძალისხმევით და ხარვეზებით	ფლობს ენობრივ უნარ-ჩვევებს საშუალოზე მაღალ დონეზე, შეუძლია ტექსტის სტრუქტურის დაცვა და მიკროტექსტის შედგენა უხარვეზოდ ან უხეშად მალე უმნიშვნელო ხარვეზებით	ფლობს ენობრივ უნარ-ჩვევებს მაღალ დონეზე, შეუძლია ტექსტის სტრუქტურის დაცვა და მიკროტექსტის შედგენა უხარვეზოდ ან უხეშად მალე უმნიშვნელო ხარვეზებით
უცხ.დ. III 16-19 მარტივ ინტერაქციაში მონაწილეობა, გაბმულად მეტყველება, მეტყველებისათვის აუცილებელი უნარ-ჩვევების გამოყენება	არ მონაწილეობს ინტერაქციაში ი, არ აქვს მეტყველებისათვის აუცილებელი უნარ-ჩვევები	უჭირს მონაწილეობაში ინტერაქციაში, რადგან იშვიათად ერთვება საგაკვეთილო პროცესში	ასე თუ ისე ფლობს მეტყველებისათვის აუცილებელ უნარ-ჩვევებს, ზოგჯერ მონაწილეობს ინტერაქციაში, ახერხებს გაბმულად მეტყველებას, მაგრამ უშეცდომოდ შეცდომას	მეტყველებისათვის მონაწილეობს ინტერაქციაში, შეუძლია მეტყველება, მაგრამ შეცდომებით	სისტემატურად მონაწილეობს ინტერაქციაში, შეუძლია მეტყველება თითქმის უშეცდომოდ, მალე უმნიშვნელო ხარვეზებით

ბის სქემა. შეფასების სქემა არის მკაცრად განსაზღვრული კრიტერიუმებისა და მათი გამოყენების წესების ერთობლიობა, რომლის მიხედვითაც ფასდება მოსწავლის აკადემიური მოსწრება. არსებობს სხვადასხვა ტიპისა და დანიშნულების შეფასების სქემები. მასწავლებელი ქმნის და იყენებს მათ იმისდა მიხედვით, რას ისახავს მიზნად კონკრეტული შეფასება. განასხვავებენ ანალიტიკურ, ჰოლისტიურ, ზოგად და კონკრეტულ შეფასების სქემებს. როგორც ვიცით, შეფასების სქემის

შექმნა გაკვეთილის სასწავლო მიზანზეა დამოკიდებული. გამოცდილების გაზიარების მიზნით, გთავაზობთ შეფასების სქემის 5 დონიან ჩემეულ ვარიანტს.

მანანა გუშაბერიძე,

თბილისის მე-10 საჯარო სკოლის ინგლისურის მასწავლებელი, ათასლარიანი სერთიფიკატის მფლობელი.

თქვენთვის აუცილებლად საჭიროა!

V, VI, VII, VIII და IX კლასის მათემატიკის ტესტების კრებულები, რომლებიც კვალიფიციურ დახმარებას გაუწევენ სკოლის მასწავლებლებს შემაჯამებელი გაკვეთილების მომზადება-ჩატარებაში.

შემაჯამებელი ტესტური დავალებებით ორიგინალურად შედგენილი ეს ნიგნები აგრეთვე განკუთვნილია სკოლების დირექციების, მოსწავლეებისა და აბიტურიენტებისათვის.

თითოეულ კრებულში მოცემული არჩევები ნიგნის სარგებლობის შესახებ, 500-ზე მეტი ტესტი თანამიმდევრულად დალაგებულია სტანდარტით გათვალისწინებული თემებისა და საკითხების მიხედვით, რის გამოც ისინი გამოყენებადი ყველა გრიფირებული სახელმძღვანელოს შემთხვევაში.

ამ კრებულებზე მუშაობა დიდ სარგებლობას მოუტანს ელემენტარული მათემატიკით დაინტერესებულ ყველა პირს.

ზემოთ ჩამოთვლილი კრებულების შესაძენად მიმართეთ მისამართზე: **ცოტნე დადიანის ქ. 43.**

ტელ: 599 38 01 10; 592 38 01 10.
შპს "ნიგნები დადიანზე"

გია ზენაიშვილი, ლარისა ქეთარაძე
ინგა მოსიაშვილი, ნინო შამაშვილი

ტესტები

შემაჯამებელი გაკვეთილებისათვის

მათემატიკა

VIII კლასი

ელექტრონული ვერსიით

თბილისი 2014 წელი

გია ზენაიშვილი, ლარისა ქეთარაძე
ინგა მოსიაშვილი, ნინო შამაშვილი

ტესტები

შემაჯამებელი გაკვეთილებისათვის

მათემატიკა

IX კლასი

თბილისი 2014 წელი

გია ზენაიშვილი, ლარისა ქეთარაძე
ინგა მოსიაშვილი, ნინო შამაშვილი

ტესტები

შემაჯამებელი გაკვეთილებისათვის

მათემატიკა

VII კლასი

თბილისი 2014 წელი

გია ზენაიშვილი, ლარისა ქეთარაძე
ინგა მოსიაშვილი, ნინო შამაშვილი

ტესტები

შემაჯამებელი გაკვეთილებისათვის

მათემატიკა

VI კლასი

თბილისი 2014 წელი

